

Miercoles, 8 de febrero de 2017

### NOTA DE PRENSA

## **UN NUEVO PROYECTO DINAMIZARÁ AS INICIATIVAS ALIMENTARIAS LOCALES Y SOSTENIBLES EN O PIRENEU Y SOMONTANO ARAGONÉS**

*Diferents administracions y organizacions aragonesas desembolicarán iste proyecto, con a finalidat de crear un ret d'iniciativas agroalimentarias locals y sostenibles.*



O proyecto “Dinamización d'iniciativas alimentarias locals y sostenibles en o Pirieneu y Somontano Aragonés” ha estau un d'os nueu seleccionaus por a Fundación Daniel y Nina Carasso con a finalidat de chenerar alianzas ta un mundo rural sostenible que cudie tanto a las personas como a l'entorno. O proyecto, que se desembolicará a lo largo de tot o 2017, mira d'estar un proyecto piloto en Aragón. L'obchectivo prencipal d'ista propuesta ye crear un ret d'iniciativas alimentarias de producción, transformación, comercialización y consumo locals y sostenibles; que permita afianzar as ya existents y a encorporación d'atras nuevas. A fin zaguera d'o proyecto ye fixar población en as zonas rurales y conservar os ecosistemas d'istos territorios, metendo en valor l'entorno y a cultura local, de vez que s'empentan nuevas formas de colaboración y cooperativismo.

O pasau viernes 3 de febrero se celebró a reunión inaugural en as dependencias d'a Diputación Provincial de Uesca (DPH) d'a capital oscense. En ista trobada participoron as administracions locals que fan parte d'o comité de seguimiento, que son Comarca d'a Chacetania, Concello d'Artieda, Comarca de l'Alto Galligo, Concello de Biescas, Comarca d'o Sobrarbe, Concello de L'Aínsa, Concello de Boltanya, Concello de San Chuan de Plan, Comarca d'o Somontano de Barbastro y o Centro d'Estudeos d'o Somontano de Balbastro. Tamién asistieron a la reunión as entidatz que fan parte de l'equipo de coordinación que ha empentau iste proyecto. Iestas entidatz serán as encargadas d'executar as actividatz en os suyos respectivos territorios comarcals: CERAI (Centro d'Estudios Rurals y d'Agricultura Internacional) como coordinador cheneral d'o proyecto, Asociación HironDEL en a Chacetania, Amigos d'a Tierra en l'Alto Galligo, Asociación Red de hortelanos “Un Paso Atrás” en o Sobrarbe y Asociación El Licinar en o Somontano de Balbastro.

As comarcas que participan en a iniciativa, de conchunta con os grupos d'acción local y as organizacions sociais d'os territorios, levan ya tiempo empentando nuevas formas d'emprender, baixo l'enfoque de l'agroecolochía, y nuevas estratechias de comercialización, emparando as canals cortas de comercialización y a venda directa u de proximidat. Iste prochetto se presenta como a primera fase d'un programa d'acción a largo plazo en a quala s'aspera que se vaigan sumando atos territorios, asociacions, entidatz, y administracions.

## **CONTACTO PRENSA**

**Mónica Herrera**

**Tecnica d'agroecolochía en CERAI**

**652 42 21 96**